

光緒三十一年正月二十六日 第一百八十六册

南洋官報

大清郵政局特準掛號立券之郵件

南洋官報 第一百八十六册

目錄

聖訓

諭旨

督院轅門抄

西譯專件

奏議錄要

南洋公牘

時政紀要

各省新聞

附張買發義

兩江學務處告白

啓者本處現奉

督憲札發日本山本條太郎函送政法教科兩類書籍飭即查閱選購原札已登官報茲將兩類書籍名目詳登於左以告各學堂需購此書者

計開

- 瀛寰全志 附圖 中國歷史教科書 西洋歷史教科書 亞美利加
- 洲通史 普通珠算課本 馬氏文通 格致教科書 化學教科書
- 生理學教科書 鑛質教科書 均經 鑛物學教科書 理財學精義 倫理
- 學綱要 教育心理學 以上均經 總理學務大臣審定 初等小學
- 國文教科書 初等小學筆算 初等小學算法 初等小學國文教科書
- 教授法 初等小學萬國地理 初等小學和文漢譯讀本 中學中國歷史
- 史教科書 高等小學地理 初等小學和文漢譯讀本 中學中國歷史
- 中學物理學 新說教授 中國通覽 萬國國力比較 萬國憲法比
- 伊索寓言 新說教授 中國通覽 萬國國力比較 萬國憲法比
- 較政治學 德國近世陸軍 憲政論 日本監獄法 德國學校制
- 度普魯士自治地方行政說 中國現勢論 日本政治論 日本武備
- 教育地方自治財政論 國際公法大綱 日本明治法制 日本武備
- 政黨論 歐美通體通覽 法蘭西史 俄羅史 日本明治法制 日本武備
- 史黨論 歐美通體通覽 法蘭西史 俄羅史 日本明治法制 日本武備
- 文明史 歐洲新史 經濟通論 俄羅史 歐洲政治史 泰西民族
- 業歷史 德國工商勃興史 農通論 俄羅史 歐洲政治史 泰西民族
- 行省治律 海參崴公董局城治章程 俄羅史 歐洲政治史 泰西民族
- 目均注明書後

本報兩日出一册每册大洋五分

世祖章皇帝聖訓序

朕惟自古膺圖御曆之后躬集大統手致太平懋烈豐功光前翼後
行之爲政斯發之爲言義蘊固卓越乎百王訓行尤昭示乎奕禩惟
聖有作後人述焉千載同揆也我

皇考世祖體天隆運英睿欽文大德弘功至仁純孝章皇帝神靈首出智
勇天授秉英斷之姿而持以恭儉擴寬仁之量而濟以憂勤爰是冲齡定
鼎薄海歸心救生民於水火之中而庶政咸熙萬邦作乂德盛動崇

夙哉莫尙矣若夫宵旰圖維宮庭訓敕煌煌綸綍嘉言孔彰究聖學
之高深著王道之正直凡所以凝

天命揚

祖德顧民巖持國體者叮噓反覆深切著明而意旨所注尤殷殷乎省躬
克己納誨親賢綱紀畢張淵衷若歉及乎訓誡臣下守正奉公鼓勵
激揚至誠感發靡不輸服而効忠黽勉而奮績也蓋自我

太祖高皇帝肇造鴻基

諭旨

正月二十二日奉

上諭前據理藩院奏放汗郡王勒恩札勒諾爾贊被護衛喉株哩砍傷身死一案已有旨交刑部嚴行審訊茲據翁斌孫奏請特派王大臣會同查辦等語此案情節甚重仍著刑部悉心研問嚴刑根究務得實情從重懲辦毋稍輕縱欽此 同日奉

上諭湖南布政使著龐鴻書補授英瑞著補授湖南按察使山東鹽運使著張蓮芬補授欽此 同日奉

上諭都察院左都御史著特圖慎補授欽此 同日奉
旨察哈爾都統著溥頤補授欽此

正月二十三日奉

上諭吏部左侍郎著繼祿調補壽耆著調補吏部右侍郎欽此 同日奉
上諭山東兗沂曹濟道員缺著黎大鈞補授欽此 同日奉
上諭理藩院左侍郎著明啟補授欽此 同日奉
旨正黃旗漢軍副都統著堃岫補授欽此

督院轅門抄 二十二日 督練處統領護軍四旗朱 釐捐木釐陳 叅謀處徐 候補道曾廣

祚 黃恩煥 知府宋康復到卽辭 通判朱瑞董事 知縣沈啟宇提調均稟知奉委施醫院
差 通州花布釐捐知府桂殿華 甘恕均見 知縣孫舉璜叩謝牌示署桃源縣 同知呂學
正謝飭知給予儘先超委優缺一次 直隸州陳龍昌稟知委善後局提調差 二十三日 蘇
撫陸辭行會 藩台黃 署鹽巡道銀銅元局潘均見 實業學堂李 候補道陳際唐 工部
主事王汝維均傳見 支應局慶 候補道厲玉麒 候選道何葆麟 北捕通判姚奉委查事
件回 知縣劉澤青 縣丞張泰復 借補奇兵營遊擊王立清稟謝 華陽營守備黃卑羣
守備王崇儒 領事岡部三郎 又石井八才次郎均見 泰興縣龍璋 泰興酒捐宋康恒
壽春鎮王幼山 知縣羅治霖 黃啟南均赴清江見撫台 鈞和輪船馬廷澍稟知送蘇撫陸
赴上海均辭 三大營請令卽繳 二十四日 籌防局李稟知由清江回 江皖贛三處礦務
候補道陳際唐稟知本日開局並開用關防均見 曾廣祚銷文報局差請假回籍省親 張庭
杰 知州姚炳熊 知縣曾紀寅均赴清江辭 知州黃邦懋奉飭咨調江西 通判李光儀回
蘇均辭 盧振銓奉委支應局庫鑰差 知縣楊桀叩謝甄別加考 揚州營中軍守備諸鵬飛
謝委

藩轅牌示 上海海防同知沈翊清與江甯府南捕通判屠作倫互相調署沈翊清未到任以前著
江甯府派員代理

西譯專件

說公司一譯英人佛蘭西士商學叢編一續第一百八十五册

三曰公司應辦之事凡公司必有一辦事之所諸事皆歸之司册之人即在是處登記簿籍如係有限公司即漆書公司之名榜在是處門外並宜刊印告白交易之單及收條等類以廣招徠以昭徵信凡有限公司又宜守定其產業一册股友與進貨之人隨時皆可取閱若銀號若保險若質當之舖若濟施善會亦有所謂有限公司者每年其辦事處須將錢債產業繕一說帖張於門外凡公司不應將貲本分與股友而總理與任事之人俱宜守護辦事處之册倘股友不及七人之數不足任查公司之事必欲檢查須願識公司一切債乃可公司每年須作總會一次總會時可以公議改變章程惟股友到者至少須四分之三送其應改事宜之稿於辦事處並給諸股友公同核准有時商部可派一二專員考察公司之事其應行調查報告之例如下 一銀行公司以貲本分與股友及股友操其三分而一之貲 二他項公司股友操其五分而一以上之貲 三公司中雖無貲本分與股友而股友竟操五分而一以上之貲 以上三事皆謂之不如法可據實參核以釐於正凡此考察之費須股友公鳩或商部命公司中所存款中提償亦可既經此一番考驗該公司須加意改良

四曰公司之倒盤凡公司有所虧折無論何時皆可更改亦無論其興辦已及一年與否股友亦不必限以七人錢債亦不必論能償與否可據虧折之由稟呈政府聽憑公斷惟公司至此情形似不能償債倘有一債主照例標舉其債約有五十金鎊者書明帳單與之索取該公司於三禮拜中不能償還而他債又復留集更無能清理矣可由債主或有貲財湊助於公司者稟請將該公司交盤其交盤之法須由政府派一理債之官先以權力保衛諸債主之躁動視公司有無匡正之法能免拍賣其業產是爲善全之策設公司之事必係倒盤則不得不出於此照例先將湊助貲財於公司之人列成一單其人亦係公司之債主也凡債主俱宜應有公司之業產此外如係勒迫公司之倒盤或公司故意倒盤皆爲之更改例章可矣雖然亦視公司之業產多少及債數之輕重

五曰註冊凡公司行棧皆宜註冊於商部英國三島各有註冊辦事之所凡設立公司者俱宜預費領憑方能開辦

以上五事其大畧也其餘公司中設有錯帳乃總理等舞弊之罪凡充總理者應認三股以上其報告有誤則沒其股充公又如有人捏造有湊助公司貲財之說爲官察明其僞亦必受罰

大抵國家欲興商利保商業而要義實重在公司公司者係合衆商之力以爲之貲本既

鉅則商力益大商業既廣則商利益贏惟其閒錢債之交涉事體之煩冗股友及任事人之意見參差不無有可虞之處故必立商律以總其成俾得折衷於一是蓋商律能統公司之全律若公司之則例則附見商律之中猶之商律不若國家典律之備耳

奏議錄要

署江督周 奏南洋海軍應與北洋合成一隊專派大員統御摺

爲南洋海軍應與北洋合成一隊專派大員統御以齊號令而期整理恭摺仰祈 聖鑒事竊思各國水陸防軍無不號令整齊聯合一氣雖有分合聚散絕無不可歸一將統御之理亦無兩軍不能合隊之事中國從前創辦海軍因限於財力先辦北洋而南洋則因陋就簡規模未備數年以來舊有兵船益形窳朽徒糜餉項無裨實際且管駕各官亦多不諳方略是以前署督臣張之洞有裁汰舊船之奏臣此次南來察看各兵船亟應分別裁留認真整理非重定章程不能革除舊習非專派大員督御不能造就將才查有現統北洋海軍廣東水師提督葉祖珪本船政學堂出身心精力果卓著賢勞茲擬將南洋各兵艦歸併該提督統御凡選派駕駛管輪各官修復練船訓練學生水勇均歸其一手調度南北洋兵艦官弁均擬互相調用現在兵艦雖不足一軍之數而統御巡防可略仿一軍兩鎮之制卽南洋水陸學堂上海船塢兵艦餉械支應一切事宜有與海軍相關係者併准該提督考核會商各局總辦道員切實整頓劑委管駕各官有於海軍尙欠練習者酌量撤換庶幾規模畫一官弁無濫竽倖進之心畛域無分調遣收犄角相倚之用氣象較前益壯將來擴充辦理軌度不致參差近日屢與北洋大臣袁世凱往復電商

意見相同除將應辦事宜隨時奏咨外理合會同北洋大臣袁世凱合詞恭摺具陳伏乞 皇太后

皇上聖鑒訓示遵行謹 奏奉 硃批著照所請該部知道欽此

又 奏關道任重事繁請援例改定員缺摺

為關道任重事繁請援例改定員缺恭摺仰祈 聖鑒事竊照江南鹽巡道從前並無經營中外交涉

之事是以定為衝繁二字中缺分別二留一咨內銓外補自光緒二十五年開辦金陵通商口岸特設金

陵關派令兼充監督經理通商事宜日英等國均派領事駐紮情形遂迥殊往昔近來商務漸興各國商

輪行駛長江年增一年紛紛請設蘆船碼頭外交之事愈繁責任因之愈重加以臣衙門駐在金陵為南

洋交涉總滙之區各國官商時來詢商事件間有牽及外省尤賴該道洞悉中外情形與之商榷臣細加

體察金陵關道之繁要實與北洋之津海關道無異况金陵關道分巡地方兼管鹽務事體更為紛雜查

吏部銓選則例內載津海關道一缺作為衝繁疲難四字最要之缺遇有缺出由該督揀員請補或於通

省現任道員內調補所遺之缺例應請 旨者請 旨簡放應歸月選者歸部銓選如於候補道員

內請補或以現任知府請升准擇其人地相宜者酌量補用升用如一時無可勝任人員准該督於摺內

聲明酌保一二員請 旨簡用等因仰見 朝廷為地擇人不拘一格定例最為精審南北洋事同

一律合無仰懇 天恩准將江南鹽巡道一缺援照津海關道之例改為衝繁疲難四字最要之缺由

外揀員請補無論現任候補道員及現任知府准擇其人地相宜者酌量補用升用如一時無可勝任人

員准於摺內聲明酌保一二員請 旨簡用俾收得人之效於中外交涉均有裨益再向來應歸月選

之缺改爲題調要缺於本省題調要缺內酌改簡缺互換臣查江蘇全省道缺皆關緊要無缺可換現當
朝廷振興庶政但期綜核名實有裨地方似未便拘守成格致於治體有礙可否免其互換出自
聖裁臣爲慎重要缺期資治理起見是否有當伏乞 皇太后 皇上聖鑒訓示謹 奏奉
硃批吏部議奏欽此

南洋公牘

安徽宿州呈送創設習藝所章程稟 並批

敬稟者竊卑州地居北鄙幅員遼闊四境農民向不講求地利平日生計已薄其年力強壯之人大大都
事耕稼投營入伍迨由各省遣散回籍輾轉流蕩遂失舊業以致游民日多饑寒生盜加以界連蘇豫地
屬衝衢匪徒出沒其間時虞勾結爲害在地方官吏目擊良民被擾但爲急則治標之計除惡不得不嚴
然此輩無業之民資生乏術若聽其出入聚散不爲設法補救匪特爲地方隱患亦慮無以濟刑法之窮
卑職責在親民心嘗惴惴現奉憲飭清查保甲首在分別良莠欲期良善相安則一切游手桀黠之徒尤
須妥籌約束查卑州署前舊有廢倉屋宇傾圯現經卑職重加修葺設立習藝公所僱覓工頭教習手藝
凡情輕罪犯以及游蕩子弟不安生業者准由房族董保人等呈送入所習藝擬以八十名爲定額當茲
開辦伊始先習粗淺手藝如織布織帶紡紗績線織蓆編草鞋等項俟技藝漸熟再行添僱工匠徐議擴
充現在該所收管流民罪犯五十餘名能習手藝者三十餘名其性質頑鈍者次第勒令學習遴派司事
看役認真鈐束至該所製成貨物均已發交城鄉店舖售賣所得貨價除撥充開支經費外餘款悉令存

儲以備獎勵工藝給發資本之用所有開辦製備各項器具修蓋房屋均由卑職自行捐助其購備物料之款會商紳董暫行籌墊俟貨價周轉陸續撥還歸款在所人犯核其情節輕重分別年限果能痛改前非限滿酌給資本保釋安業如果怙惡不悛再行從嚴懲創卑職愚昧之見竊以治盜之策貴清其源果使無業貧民習藝漸有成就市井多一有業之人斯閭閻少一作奸之輩似於民生不無裨補是否有當合將擬辦章程開摺稟陳仰乞大人鑒核批示立案以垂久遠實為公便

安徽宿州習藝公所收管流民罪犯章程

第一節 分派司事執役

一設司事一人專司買辦物料並發賣所內製成各色貨物
二設司帳一人管理收發一切雜事並登記各帳
三派撥看役四名專司看守人犯另設更夫二名巡夜支更
四設王頭八名分別教習手藝先在流民罪犯兩項擇其工藝熟諳者選充如有不能教習之藝再行隨時招致

第二節 收管流民罪犯

一年輕失教子弟不守家規嗜煙好賭游蕩街市或因窮苦流落不習正業由其父兄並房族人等呈送者謂之流民取具該親屬切結收所習藝
二地方遇有地痞土棍酗酒滋鬧擾累訛索及剪絡扒竊等項由各地方鄉長地保送州或由州訪獲者均曰罪犯核其所犯情節較輕者收所習藝
三所內流民罪犯各於衣背上載白色月亮布一塊分別書流民罪犯姓名以便稽查
四流民罪犯進所由司事人等開明年歲住址家有何人習學何項手藝編列字號詳細登簿以備查考

罪犯準每月薙髮兩次如係罪犯仍留頂心一片以示區別
因流民罪犯在所遇有疾病另置一所撥醫調治如果病重由官察驗屬實飭取妥保醫治病痊仍照舊送所不得潛逃
因流民罪犯如敢偷帶貨物脫逃嚴拿究治看役疏於防範一體治罪

第三節 教習各項工藝

因在所人犯先習織布織帶紡綿打辮線編草履織蘆蓆六項工藝隨後再行擴充
因人犯入所欲學何項工藝准其自擇報明登簿一藝學成後願兼學別藝者聽
因人犯學習工藝務求精美結實不得偷減草率以及淺嘗中輟倘性質鈍拙於所學之藝不能造就由司事人等查明飭令改習粗淺別藝
因工有粗細之別藝有優劣之分應立考察簿一本將各人犯每日所作工役分別登簿辨別優劣詳註簿內每月比較一次如能積數較多工藝精巧者酌賞錢文其積數無多有意怠玩者提案薄責或令罰作苦工以示懲儆
因在所流民以一年爲限罪犯以二三年爲限果能改過自新勤於工作始終不懈限內毫無過犯准予取保釋放並酌給資本俾得自營生業
因人犯不得私做外貨如有商民自購大批物料送交所內人犯代做應由司事人等經手議定工價定期交貨所得工資仍登工帳無論何人不得私爲已有如係零星物件概不代做
因所內製成貨物發交城鄉各店鋪銷售准照市價酌減以便銷售各店鋪如欲定做應先議明價值酌交定錢寫立貨摺以憑支發

第四節 巡察約束事宜

因人犯工役均歸司事人等隨時互相稽查如有懶於工作或與同夥爭鬧滋生事端卽由司事人等

報明提懲輕則答責重則枷號滿日並罰作極苦工役
人犯如敢勾串看役偷賣貨物或私自攬
做外貨亦由司事人等隨時查明報州人犯嚴責示懲看役從重責革
購買物料進所發交各人
犯工作均應逐一過秤於簿內註明斤兩各數迨貨物製成亦照舊過秤如折耗過多以及毀棄侵蝕
等弊查明究罰惟司帳人等是問
人犯如有親屬准於每月望日探看一次惟止准在柵欄外大
聲交談由司事人等監視不得低聲小語及私相授受違禁物件違者拿究如遞送食物亦須驗明並
無別故方准飭收
司事司帳由州選充仍隨時察看如有侵吞物價浮冒公款即時黜換追賠
人犯每晚各歸寢處由司事人等按號驗明封鎖
在所人犯不能習藝之人酌派數名充當煮
飯掃地等項工役

第五節 所內應禁各事

人犯在所不准吸食洋煙
人犯及看役人等不得酗酒賭博喧鬧
各人犯至晚即睡所內
概不准點燈以防火燭
人犯進所由司事人等督同看役逐細搜檢不准攜帶金刃鐵器並洋煙
等物
看役不准凌虐人犯
看役於人犯工作時不得無理混鬧奪毀物件
人犯不得毀
棄貨物
人犯看役如有不守所規違犯禁令分別究責

第六節 所中應備各件

所中牀鋪鍋碗及應需操作器具一律置備
應置大木盆數個以備人犯洗衣浴澡
應置
備戒煙藥丸遇有吸煙流民人犯由司事人等察其煙癮大小按日酌給藥丸逐漸減少以斷癮為度
冬天備給棉衣被褥夏給蘆蓆粗扇並應多備辟瘟丹等藥

第七節 稽核收支經費

■開辦經費悉由卑職捐助
■常年經費擬於售出貨價內酌提濟用
■司事一人每月擬給薪水錢四千元
■司帳一人每月擬給薪水錢四千元
■看役四名更夫二名每名月給工食錢二千四百文
■流民罪犯每名日給口糧鹽菜錢四十文
■教習工資隨時議給不能預定
■以罪犯充教習者分三節酌給獎賞不給工資
■所中每月收發各貨帳目均於下月朔日送由州署查核
■凡售出各貨價繳存州署由買貨人出具繳狀附卷備查
■購辦物件應需價值開車送州核發
■各項薪水役食及人犯口糧由州署按月發給取具領狀附卷
批 稟摺均悉仰安藩司核飭遵照仍候撫部院批示繳摺存

時政紀要

湖南學務處詳定遊學豫備科學堂章程續第一百八十五冊

入學畢業章第三 第一節 凡入學初之選擇以中國學業優長爲主入學後之考驗以外國學業優長爲主 第二節 學生招選除此大三路師範學堂學生係特許入堂肄業外（師範學生仍須依照第八節試習期限斟酌去留）其餘均由本堂監督出示招選其格式如左
■品行謹飭文理明通
■未經他項學堂黜退
■不得由他項學堂半途輟業去彼就此
■年在二十以內口齒靈敏記力未減
■須專心力學十年不改志願
■不應科舉
■聲明出身籍貫及住址
■須有切實保人
第三節 在堂學科東文以二年西文以四年爲最短期限未滿者不准中輟出洋學科少以三年多

以七年爲限未滿者亦不准中輟 第四節 學生概不收取學費以示優厚如再有中途輟業者由官嚴追學費無從希冀規避因犯規斥革者亦一律追繳 第五節 學生入學之初程度未齊須依照本堂所定班次就學不得任意爭執致多棘手難行之事 第六節 學生長假誤學一律降班補習不得通融 第七節 學生分肄各國語文不得見異思遷更習他國一國未精亦不得兼習他國以杜紛擾 第八節 學生於第一學期三月內作爲試習期如自揣不勝課程難於守法准其告退 第九節 學生屢試不及格自知記力悟力難於勝受者應即剔退或准自行請退（此項酌量情形免追學費） 第十節 本堂卒業之後擇尤保送遊學次者或留堂補習或選派語文及科學教習 第十一節 請咨遊學生徒如經學務處考驗不能及格自願入學補習者仍候本堂考驗分別去取（學堂班次自有一定無班可歸亦礙難插入或先聽講隨後核定班次）

在學規則章第四（奏定章程管理通則業已詳備茲酌量增補似更爲周匝） 第一節 學生於外國語文課程除誦讀外應將教習講授之法隨筆記錄於各科學課程除熟記發給之教科書講義外應將教習口講之說詳細記載此兩項均須聽憑隨時調查以考勤惰 第二節 學生自修時間須受教習管理員之督察不得任意游玩致自修一業爲有名無實 第三節 學生除星期外不准出門（或借他處空坪體操須整隊歸堂不得遲後如特別急事偶一假出須由特別許准） 第四節 宜一班之中功課均係一律如因事遲誤及資質較鈍者於自修時間自行補足或延長其自修時刻總期全班一律不得稍有參差責成教務長及教習隨時督察體驗 第五節 學堂非驕奢逸豫之地乃勤敏習勞之區不能於起居服食求全責備以衛生兩字爲藉口不能多用雜役以供使令並不各自出已資特別

享受第六節 星期日操衣操帽出外遊行一驚外界觀聽二襲西人貌似三使遊民相混俱屬有害無益本堂特予禁除（如有特別事情整隊而出應即傳知穿着操衣不在此例）第七節 本堂年假暑假學生有道遠不及回家者准其寄宿其管理章程仍與開學時無異不稍通融 第八節 本堂詳細章程應分門推廣詳訂傳事事皆有規則可遵

各省新聞

批詞彙誌

蘇省學務處所批各屬紳士稟件今將批詞照錄如下

南匯縣職紳鍾樹勳等稟稱芸香

草堂董事陳世珍阻撓學務批前據該生等稟請將該縣芸香草堂改爲師範傳習所本處當以所請頗合辦法批飭該縣查議詳辦尙未據覆據稟前情師範傳習所爲籌辦學堂造就教員之急務未便稍事延宕果如所稟該董陳世珍始終任意把持尙復成何事體仰南匯縣遵照批飭迅速查明詳候核辦一面立飭該董陳世珍遵照辦理毋任抗違 丹徒縣文生劉大輔等呈請資送日本游學批該生等既願自備資斧赴東游學應即照准仰丹徒縣照章飭取不欠學費切結送候詳請院憲核准送往 青浦縣職紳莊大綱等稟請將澄照寺田產撥充學堂經費批查青浦縣西鄉澄照寺公田前據該縣詳稱該寺僧了定人言藉藉所有田產半爲附近之張靖家侵管吞蝕斷自本年爲始分作三股學堂與課桑局各撥一股仍留一股爲該寺香火之資並將該田區圖細數查明分晰開摺詳請立案前來當經批府轉飭遵照在案據稟前情此項田產究竟能否撥充該學堂經費仰松江府飭縣查明核辦

非核辦

爭執碼頭 鎮江租界碼頭停泊小輪處所向由英商豐和輪局抽收地租因該局執有上海寶順洋行地照曾經領事關道蓋印其上故照業主例收租凡小輪不願納租者即無碼頭為停船之處稅務司雷樂石君以碼頭係本關應有之權爰指給地段令某小輪自行建築近經英商出場爭執雷稅司因稟請赫總稅司核示以便遵辦

增船利運 兩淮催運委員潘巡檢稟兩淮運司謂圩上注船稀少不敷裝運請就近僱用甯波廣艇載鹽趕赴各岸以濟銷市經恩都轉札飭淮南總局諭商妥議稟復以憑核辦

廣設蒙學 江西通省疊奉大憲札飭興辦蒙學堂近各郡縣已遵照辦理先後稟報舉辦情形而蒙學之多惟南昌為最計南昌六大鄉共設蒙學數十處其中若西鄉之蒙學堂二所規模尤為完備所有按日課程分讀書拼字日記唱歌體操各門學生進步頗速將來各縣果皆仿行造就童蒙當於此立其始基

豫備遊學 湘省明德學堂開辦之始係由本地士紳倡議經上海關道袁海觀察關心桑梓以萬金俟助童觀察兆蓉亦助以千金故堂中學科頗臻完善前因署撫陸中丞奏請以後派遣學生遊學各國須文理優長學有根柢兼稱通該國語言文字者方能選派其遊學豫備科學堂章程業經學務處詳定在案該堂爰增設理化博物諸專科為學生豫備出洋遊學之計第該堂為士紳所立恐將來選派出洋學生不能與官學學生一體入選監督胡君子靜近具稟撫轅及學務處請於各學生卒業後准與官學一體選派出洋並懇先行立案等因已蒙撫憲暨學務處批准矣

付款項如果便宜亦可不時發出金貨按中國經濟局面通用貨幣理應以銀銅爲宗旨查中國薪水每月大抵不過美洋七八元且時有不過二元至五元之譜則大抵生計開銷準度階級亦同於是華人支用金幣機會之少則自明也中國統國通用之貨實係銅幣此幣逐漸爲民間逐日支用之通寶頓當交易有用銀寶按分兩秤算亦有地方支用貨幣查生意來往通用之銅幣僅值約美國二十之一分錢可想中國交易之精微是以市面通用之貨將定係銀銅二種貨幣之單數本位雖定有金價其代替本位單數之貨自係銀元此銀貨理應有適當模樣以中國合式其大小諒應與墨西哥洋相仿以冀便當其所定相等之金價應設法保存

有提議云其銀元分兩應照海關一兩之數查此分兩之貨將較墨西哥洋要大一半中國各處大抵交易刻都以兩數推算則此分兩與民間習慣所定者似最相宜惟因其太大用不方便此乃不相宜之首端也大抵意見平常交易與墨西哥洋相仿大小之貨爲最方便新幣之名目或稱爲兩或稱爲元無關緊要所重者不論何名號此單數本位貨按海關銀兩及墨西哥洋推算應作若干須有定律新貨之價將隨所定之金單數本位價值惟貨中之銀子應較所定價值少一成或一成半方妙此銀貨將有

南洋官報
金單數本位之名爲通貨之主此外應另有相輔之小洋或如半元者四分之一元五分之一十分之一二十分之一五十分之一及一百分之一或者應加再小之數如千分之一者其相輔銀小洋中之大號分兩諒應按大員分兩數比例相推若其分兩稍輕應其價值稍廉則私鑄之虞自少其相輔小洋之小號分白銅紅銅兩種此二項貨之料質成數應如此酌定而使鑄頭出息甚大

按是章所議已於前條議第五則約略舉之矣茲復重言以申明之查金銀消長環球同市中國自先因幣制未立國法未備銀銅並用文質雜揉平色參差價值歧互所以內則姦民之私鑄私冶姦商之傾詐把持胥於是逞而其弊終不可制外則以銀兌金以生質兌鏹價值漲落仰人鼻息結算兌折其耗遂不可測蓋總論其原因一實由于各國幣制全備皆棄銀用金以爲本位故中國相形而自絀一實由于中國產金而不用金用銀而無銀位故銅荒銀賤金以外溢兩勢相湊傾側乃深今者已悉知其弊矣不改則已改則惟有一面鑄金幣用金圓以金爲本位而間行鈔票以補金之不足制一銀幣以爲本位之代表使全國一律以崇主權定幣三等以劑國法此治標之策也一面督勸官民鼓舞全國開卅產興農牧講工藝使地力物力

上海四馬路東一新書局出版

蒙學鏡

華亭鍾編筆徵士天緯著分字義喻言習慧格致
經餘史約六門無法不備洵益蒙智樓三十册八角

英德華尺牘

仕商國門煩俱備譯愜
當避神精詳洋裝洋三角

今世

界大事

搜羅中外各國兵數戶口之多寡金磅洋
之重輕進出貨物之盈虧無不備載四角

英雄之肝膽

法蘭西國拿破崙破峯第三事強盛由民氣
堅忍作小說列史觀均可三角半

歐美新談

又名泰西聊齋誌異嬉笑怒罵涉筆成趣是為小說之冠四角
李鴻章書後各三角○日相伊藤博文四角○論孟巨言二角半○世界宗教一册六角○中英文

華英文法合璧

為古今於格經師人
多所未言一元二角

新法製墨

此墨烏黑有彩最宜摺卷不脫不粘取用應手可省研澆且冬夏如常舟車兩便有此不必購置墨海美善之
墨寶也大匣半元中四角小三角○寄售商務須知三角○大板晉書二角半○李文忠公事畧評三卷三角○

新法製墨

此墨烏黑有彩最宜摺卷不脫不粘取用應手可省研澆且冬夏如常舟車兩便有此不必購置墨海美善之
墨寶也大匣半元中四角小三角○寄售商務須知三角○大板晉書二角半○李文忠公事畧評三卷三角○